

奉化縣志卷五

山川下

縣境之水惟忠義一鄉東南流入海餘俱發源西南流歸東北入奉化江而諸溪之水皆會矣溪無慮百數其大者曰縣溪曰剡溪曰金溪

縣溪舊通名大溪遶連山松林奉化長壽四鄉其源發於鎮亭山今之言縣溪者謂當發源於大公嶼不知大公嶼之第一尖即鎮亭山之最高峯舊志不能實指鎮亭所在道里互歧故啟後人之疑辨見上卷即今所稱大公嶼水道提綱作源出蘇木嶺浙江水鎮亭山條即在大公嶼之上橫溪嶺陸道里記作發源橫溪嶺蓋蘇木嶺即在大公嶼也東北流五里許有一水自西來會

水出大公嶼東北之界牌嶺經宦勘村注於縣溪

又東逕德星橋又東曲流逕獨山村又北流折而東五里許逕中心嶼董氏宅舊名紅霞溪又東曲流三里許逕中心嶼李氏宅水

奉化縣志

卷五

山川下

深丈許曰清潭又東北曲曲流五里許逕青塾有一水自南來注之

水出東遮山北流七里許至青塾右入焉

溪水又東北五里許逕白粉壁又北三里許曰流涼坑鎮亭山麓之水自左來會

水出董家嶼東南流逕石井村其水陡然直下石壁十餘丈飛瀑如練下即鎮亭龍湫居連山形勝之最水又逕坦又岡麓又東北流逕馬嘯嶺又屈曲流至流涼坑合焉

溪水又行數里有龍洞潭幽深莫測有一水自左來會

水出新奉接界之分水邱過賦竹嶺曲流數里有水自岔坑來注之又行里許有水自炭山灣來注之又逕田塾有石船巖石如船形旁列石筍石甃之類皆象形焉水由石船中流又東南

逕拜祭嶺脚有丁家坑水自西北來注之又曲流數里至龍洞潭合焉

溪水又東北流逕五臺山又經疊石巖三石層累高可三丈許溪流十數丈有石鑊潭水深一二丈不等底如鑿石而成溪水又逕離巖巖大於屋中裂如剖故名之又屈曲東北流逕別巖港有水自荷花池頭來會

荷花池頭水出巖家田合豬頭巖磨石嶺諸水經仰天湖山西南麓又東流屈而東北流逕荷花池頭又東南流至別巖港入焉

溪水又東北流逕柏坑村前有璜巖潭潭旁巖石崢嶸水深丈餘亦名清玉泉又東流逕永安橋有水自南來注之

水出赤嶺下逕趙隩又逕楓樹嶺至永安橋右入焉

奉化縣志

卷五

山川下

二

溪水又東北流逕大堰村前有大堰以瀦水溪水又東北流八里至南溪口有水自小萬竹來會

小萬竹之水其源二一出山門嶺逕箭嶺東北流又逕箭嶺下村前過鎮東橋復有水自剡源鄉界之寒風嶺逕苦竹畝來注之又屈曲流逕青山下一出剡源鄉之大雷山東南流逕徐馬站又逕靈應寺前又曲流至峙坑口合流過青山下逕前祠村右受一水出結岡嶺麓之西保隩東流至前祠合焉又東南流有水自白山曲流十數里來會又曲流逕謝家畝村前又東南流逕天象山下又南流至溪口入焉

溪水又東逕溪口村溪流至此始可通筏又屈東北流逕小橫山又屈北流逕橫山菴下又屈曲流數里逕西巖村自此以下重山夾峙曲流二十餘里通謂之橫山橫山盡處水深石峭曰題詩巖

潭卽元闡風劉倓題詩刻石處也溪水又東逕虎嘯王埠頭舊名  
栲嶼故其溪卽謂之栲溪又屈東南流逕後石礮又逕荷花心又  
曲流逕朱家堰又逕三嶼村又東流逕避水嶺下又東北流爲柿  
樹潭水深三丈許又曲流逕送畝又東北逕照壁巖巖壁危竦下  
有潭日照壁巖潭又屈東南流逕上樓巖村後有太古巖潭又屈  
東流逕白象山麓有大巖下潭淵深莫測又南逕下樓巖村右又  
東南流有白龍潭又屈東流逕高橋有匯溪自西來注之

匯溪源出大嶺逕方家嶼楊家堰茗書張家灘水空頭又合黃  
甘嶺之水名匯溪又東會於縣溪

溪水又東北逕鮑村又東流爲黃馬潭長廣皆五六丈有廣平堰  
以分水又東北逕廣渡又東北逕尙田畝又東逕南山西北麓及  
寶化山之東曰西溪又北逕桃源灘或謂卽綠荷灘案歷志載綠荷灘不詳其

奉化縣志

卷五

山川下

三

處又謂其中有桃源灘而綠荷灘無所考今據南山寺志桃源溪  
在山北又名綠荷灘以夾岸多桃樹落花繽紛故名其說不知所  
本有資國堰以分水其西又有小溪南溪諸水來注之

小溪源出邱家山過歲穰橋東北流入縣溪南溪源出枯桐坑  
東流五里曰三溪又東過王家塘橋入縣溪

案舊志謂南溪之水由縣南過顏婆橋至方勝磧入縣溪今  
查南溪之水實入王家塘橋無過顏婆橋者與方勝磧又隔  
絕不通殆滄桑變易水道迭有更改歟

溪水又東北逕縣城東南有大堰以分水案此謂新大堰與古  
之大堰別說見水利又  
北流有水出方勝磧來會

方勝磧之水有數源一曰西錦溪源出華頂山東流逕石棋盤

入城西水門至縣治南嘉會橋俗名杜家橋又東曲折流出城東水

門又東會於方勝磧一曰北溪亦名葉家溪源出功節嶼及日

嶺諸水東流繞縣城北過文昌橋又東循青錦塘至沙塘折而南流過慶登橋又南會於方勝磬兩水相合稱腰帶水案延祐志腰帶水在州西五十里存參○張炎詩犀繞魚懸事已非水光猶自溼雲衣山中幾日渾無雨一夜溪痕又減圍一曰靈濟泉源出縣西南一里舊名包家潭旱潦不盈涸其水曲折東北流過南門洗馬橋又東南流出大堰橋會大堰水折而北過聚堰橋至方勝磬

案靈濟泉水本東南流入縣溪自宋時置堰而後水折而東北流會於方勝磬其故道今卽爲大堰分水之渠

溪水又北過新橋又過惠政橋是謂龍津相傳唐時葉靖能講經虛白觀有龍爲髯父求解其厄報以水觀左成大溪因名仙師渠又曰龍溪福地其說誕漫不足究詰溪水自發源至此凡七十二曲始可通舟溪水又北逕金沙灘又北至栗樹塘分一派入栗樹塘橋西北行溪水又北逕長汀爲白魚潭水清而深大旱不竭又東至金鐘壑有雙溪之水出倪家磬來會

奉化縣志

卷五

山川下

四

雙溪之源有二一曰白溪一曰朱溪白溪亦曰排溪源出杉木嶺東北至童公嶺腳七里餘又北至水鎮頭村八里又東北至陳村八里又北東過雙溪橋又東流與朱溪會朱溪源出山隍嶺合鮎埼嶺諸水北流過方門又北過馬浦橋折而東會於白溪是謂雙溪又東北流過董村有乾溪自東來注之乾溪發源於雨施山及大隩雪隩屈曲西行入於雙溪雙溪又東北五里逕報國寺橋又北六里至井亭前其流分爲二其一東南行歷尙橋頭下郝又東折而北過西鳴出居敬橋入於金溪其一西北行合資國堰水過資國磬又西逕湖橋折而北逕大橋鎮之東又折而東過後洋舒又東北過沈家莊或謂之新溪水又分

爲二其一東流與前東折而北之流合其一折而西行至金鐘  
壑出倪家硤會於縣溪

溪水又北過金鐘壑屈曲流繞路局山而北又分一派入六板橋  
西行溪水又東北屈曲流至南渡又北至璫琳硤水分爲三其一  
折而東行過山隍橋與金溪會其一過璫琳硤西流爲長它江其  
幹流北行過璫琳小閘河渠漸狹又北東逕聚橋頭又東北逕鄞  
塘匯又北過鄞塘橋又北逕陳橋鋪又北過馬宅魁橋又北至方  
橋與金溪會又北合流至三江口入奉化江

金溪發源於金峩諸山西北流屈曲十數里過金溪橋又北七里  
至白杜爲白杜河分一支北流過洞橋又過鄞奉橋入鄞境折而西五里許逕泰橋又

西十里至西鳴居敬橋有雙溪分流之水來會又西北三里許過  
曙陽橋亦曰畫鵲衙橋○浙江輿圖居敬橋與畫鵲衙橋別爲一港誤是爲柏樹港又西北五里

奉化縣志 卷五 山川下 五

許逕山隍橋東縣溪西行之水來會又北五里逕銅山麓過陡疊  
橋又北三里許逕後顧渡自山隍橋東至此與鄞縣分水又北西  
五里許至方橋與縣溪北行之水會合流至三江口入奉化江

剡溪發源於剡界嶺之大湖山案水道提綱作發源陳公嶺誤又北分爲二派云云亦不合東

逕剡界坑至真武殿前十里又東北逕水碓頭五里牛坑水自西  
北來注之寺隩水自東南來注之行里許前隩水自東南來注之

又東北逕晚響嶺有火燄嶺水入之又東北三里逕麻廠有塘坑  
水自西北來注之又東北逕六詔曲一有茅鳴水自西北來注之曹

塢隩水自南來注之又東北三里曹家地水自西北來注之又東  
北二里龍塢水自西北來注之又東北二里俞家隩水自西北來

注之又東北逕上蹕駐有錢家隩水自北來注之柏塢坑水自南  
來注之又東北逕下蹕駐二有一水自南來會

水出磨石嶺東流逕大坑又逕黃沙坑至下蹕駐入於溪

溪水又東北五里許逕兩湖三曲又逕相坑四曲有竺家隩水自西來

入之又東北里許南隩水自南來入之又東北三里許逕塔下又

逕三石五曲有風門岡水自西來入之又東北六里逕茅渚六曲又東

北三里有斑溪七曲水自右來會

斑溪有東西二源東源出大雷山屈曲至石門匯銀坑周家嶺

石嶺諸水北流至榆林西有中華隩水自西來入之曰中溪又

北流四里許與西源會西源出寒風嶺東北流至董家坪有白

石水自西入之又東北流過東坑橋有東坑水自南入之又東

北流逕茅坑有西坑水自西來注之又東流逕西峯寺前又逕

巖頭與東源合又北流五里許逕許家岸曰澤溪又北流五里

許始稱斑溪又西北流三里至康嶺入剡源此剡源前路之枝

奉化縣志

卷五

山川下

六

流也

溪水又北逕康嶺又逕法喜寺前又東北流二里許經高隩八曲北

公塘九曲南又東北里許逕徐家步頭又東北里許乾溪水自東南

來入之乾溪者小千隩水所從出焉溪水又東北流二里許西晦

溪水自西北來會

西晦溪發源嵯縣之栲坑東流至葛竹入奉化境又東南流折

而東過篁竹又東折而南過住嶺左溪水自西南來入之左溪

發源嵯縣之九雷嶺東流十餘里凡三十六曲會唐興嶺之水

至獨樂石入奉化境迤邐至沈家巖凡五里許又東北二里入

西晦溪又東北行二里許逕斑竹園茶坑水自北來注之又東

北行逕大晦嶺腳又東北逕馬村有一水自西北來會水有二

源一出雷峯山東北流逕棲霞坑一出三折嶺腳東南流合而

東流五里許有徐鳧水自北來注之又東南流十里許至馬村入西晦溪又東北三里許至亭下雪竇水自北來注之又東北十里許與剡溪合此剡源後路之枝流也

溪水又東少北流折而北六里許逕沙隄水深三尺面闊十三丈有雪來水合灌纓水自北來注之又東少北流五里許曰溪口又東北流四里許至普濟渡又東北流折而東逕崎山有細溪自北來會

細溪發源柴狗巖至名山坑東流而下逕白巖又逕任宋繞崎山會於剡溪

溪水又東行五里逕同山西北麓曰泉口水深二尺闊十二丈棠溪自西南來會

棠溪發源許家山案乾隆志作源出白杜嶺黃甘嶺白杜嶺當係杜嶺之訛然棠溪之流逕杜嶺非其源出

奉化縣志

卷五

山川下

七

於杜嶺也東流五里許逕袁家嶼又東逕杜嶺又東五里許至南屏山有黃甘嶺之水南來合流出文明橋屈曲東北流逕唐村又東北十二里逕泉口會於剡溪

溪水又東北流五里許逕大埠鎮又東流十里許逕甬山南麓曰塔山灣有釣魚潭水深而碧又東出光德橋曰江口古所稱奉化江當自此以下始矣案奉化江源流郡縣志多合縣溪而言考明史地理志奉化北有奉化江亦曰北渡江又謂之剡溪蓋明以前縣溪金溪二水瀦而為河限以常浦與江水不通故溯江源者祇及剡溪而不及縣溪今則常浦既開諸溪溝通亦不必泥剡溪之為江源矣

溪水又東流里許長它江自東南出壽通橋亦曰新橋來會長它江自明以前固大江也而今微矣

長它江之源案長它今讀長駝寫作長塗考寶慶志有長它村也即它之俗字說文它虫也从虫而長象冤曲承尾形或从虫作蛇今觀是江環繞長它之地冤曲似蛇故疑是江向名長它而又以江名其村迨後音訛失傳江無長它之名

而村又改爲一自同山東麓東北流逕西圃一自泉井東流逕長塗之字矣

屯頭一自仁湖北出逕塘下合流於萬家河而入長它江亦曰趙河

其由縣溪分入者一自栗樹塘一自六板橋一自璉琳硤俱西

北流會於長它江又西流逕壽通橋與剡溪會

溪水又折而北流里許逕甌篔山之東始與鄞縣分水又東北屈

曲流六里許逕徐家渡此以下亦稱蕙江又北折而東二里許有

鄞江自北東來會鄞江者鄞縣之它山水也又東行里許曰三江

口縣溪金溪二水合流出方橋來會

案乾隆志三江口下載東南接奉化金溪龍溪水西南接大

埠頭剡源水西北接它山鄞江水徐柳泉舍人類彙埭錄宗

其說而誤以江口當三江口實非是今案三江口之稱似就

目見之地言之而不必上溯其源三江口者剡溪鄞江合流

奉化縣志

卷五

山川下

八

爲一江縣溪金溪合流爲一江又并而東北流爲一江故曰

三江口至江口亦有三江之名以剡溪爲一江長它江爲一

江并而北流爲一江宋時李氏居此稱三江李氏但與三江

口則異其地耳

溪水又北流遶胡家壩而南又折而東三里許逕北渡故有北渡

江之稱水深一丈八尺面闊三十五丈江至此入鄞境又東北曲

曲流逕郡城東又東北會慈溪江餘姚江合流逕鎮海城東入海

又剡源鄉西北有一水流入鄞境者曰北溪源出三折嶺過茶焙

三折嶺之陰屈曲西行唐田水自南來注之又西北行五里許逕積善

橋東受趙趨嶺水及鄞裏湖水匯於合溪又東北流逕北溪北折

至雙溪合響石坪之靈溪水又東流至大俞入鄞縣案水陸道里記以北溪入

奉化江蓋誤西  
梅溪爲北溪也

忠義鄉南面瀕海與甯海相對其海曰裏港海自湖頭渡分港而西入天門山至鮎埼接甯海浮溪實一海股也其入海之水最長者曰

尊溪源出金峩大御屏東南行二里許曰山溪又逕樓隘折而西南流又西逕更樓畝出東更樓橋與中琅溪水會又名中琅溪亦曰黃檗溪

中琅溪水上承上琅溪源出金峩大隩斗與分水岡水四溜山

水合流爲上琅溪又東逕湖口亭南爲中琅溪

案水陸道里記云黃檗溪自獅子山

山北分金溪之水西南曲曲流至廬陵橋其說甚謬金溪之水無西南流者廬陵橋近桐照司不在黃檗溪蓋道里記實認半亭峽水爲黃檗溪故有是誤

又西南流逕黃檗畝東有九曲溪自西來注之

九曲溪出太清隩逕三友峯前又逕太清寺前又逕深柳村南

奉化縣志

卷五

山川下

九

過黃檗堰與溪水會

又西屈曲流逕開王廟前爲下琅溪又西過琅溪橋逕後琅村南又西逕蟠龍山北又西逕楊家橋村南曲折西北流逕古砮砂廟前又西流過響堰逕饅頭山麓有半亭峽水自北來注之

半亭峽水逕水瀾地村南又逕桐照司村東合張隩西流水過廬陵橋折而西流逕溪心村東又屈曲東南流逕烏龜山南與溪水會

又西逕雙汊溪口有榔溪水自北來注之

榔溪水出錢嶺隩東逕黃雷山麓折而南流逕桐照司村西出榔林橋逕溪心村右又南流與溪水會

又折而南流逕竹笆尖山西又逕東謝村東出長生橋至車口山北有尊湖隩水注之是爲尊溪

蓴湖隩水出展面山山脊爲望海岡其水逕蓴湖隩村旁東北流出蓴湖隩口又西逕烏陽觀山南合五嶺黃家嶺逕鄞儒萬季野先生墓前又屈曲西南流會於蓴溪

又折而西流逕眠狗山麓有清水溪自北來注之

清水溪水出九峯逕老寺基東南流逕九峯寺前又逕西謝村

東出德星橋俗呼洞橋又出永清橋注於蓴溪

又折而南流逕蓴湖街東南又南逕東菴有姚家溪自西南來入之

姚家溪上承梅樹溪梅樹溪水出雨施山逕雲蓋寺南折而東北合雲蓋山之水東南流逕舍輞嶺麓有茅蛟水逕南隩自南來會合流爲梅樹溪又東南逕舍輞村前出萬壽橋爲姚家溪又出姚家溪橋與溪水會

奉化縣志

卷五

山川下

十

又南流出東菴溪橋逕降渚又逕吳家埠村南出降渚溪橋南流入裏港海

蓴溪以東諸溪曰

西桐溪源出高梧山東澗南流入沙綠江而入海

東桐溪源出雷峯山東澗南流逕桐照村東入清江而入海

湖陽溪源出前隩嶺南流折而東又南逕河泊所村西又東南入鹿頸江而入海

黃賢溪源出大脈隩東南流逕黃賢村合西溪水又南逕商山又東過新硯頭入鹿頸江而入海

磧礮溪源出清涼山南澗逕清涼寺東合聖井隩水西南流又折而南逕瑞雲山西又逕應家棚村西過烏店橋又過千金塘入鹿頸江而入海

盆溪源出上莊隩東南流逕上石盆村前又南逕石盆村西入鄞陽江而入海

峻壁溪源出白巖山西南流逕爵隩村西爲西溪又西南流逕白象山麓又南逕離相寺前台源出菩提嶺之東溪水又南逕獅子山西名彭家溪分左右流左出大清橋右出大通橋又合而南流爲西山溪有梅溪水注之

梅溪水出梅嶺隩西南流有峻壁坑水逕虎頭山麓合而逕道陳嶺東注於西山溪

又南過峻德橋有曹溪水注之是爲峻壁溪

溪頗平行以溪南山崖峻峭壁立故名

曹溪水其源有之一出太字隩一出長隩一出盤隩

又東南流逕十字塘入鄞陽江而入海

陶溪源出銀山南流逕裏陶坑村旁又逕中陶坑村前又西南流

奉化縣志

卷五

山川下

十一

過黃荆灘逕馬頭村東入鄞陽江而入海

松溪源出鄧家隩東南流逕景祐廟西又合西隩諸水東南流入海

忠義志案曰嘉靖府志府曹志縣施曹二志載松溪云縣東百里自鄞菩提嶺下東注於海均誤菩提嶺南水逕爵隩裘村注於峻壁溪出鄞陽江入海菩提嶺北水歸鄞界鄒溪入大嵩江均與松溪異處

東溪源出雉雞峻合莫底坑水東南流逕松隩村東屈而東北有林慈溪水注之又東南入於海

林慈溪出東西古基東南流逕山下李村東注於東溪

淡溪源出九龍隩東流逕王家山村南又東逕蓮花巖下至淡水湖南合上盤塘鑊底灣及田下嶺諸澗水入於海

百坑溪源出百坑歡喜嶺東南流逕伍百隩村前又逕柘坑東合柘坑水又東南流有界牌嶺水逕營口村東合流逕長嶺東又逕湖頭渡入於海

其所謂江者以上承溪下注海而名之也

清江在鐵局山北西接天門水東入於海大刀子江沙綠江又在其北而皆流入清江者也

鹿頸江在應家棚西南鹿頸山之北亦名鹿頸川

鄞陽江在牆下潭之西古東宿渡至石沿水道通名鄞陽江出牆下潭渡口東逕石沿村南又名石沿江蓋諸江雖以江名實則潮起時皆沒於海至潮退始見云

溪之外有泉水曰

茯苓泉縣治甬道西久旱不涸舊名清甘泉七星井之一也縣令

奉化縣志

卷五

山川下

三

馮多福有記

透瓶泉縣東二里大溪東岸以瓷器貯之水透瓶外

白水縣東南十里桃花嶺東

馬嶺泉縣東三十里

清玉泉縣西南六十里

靈泉縣西日嶺下寶林院泉源一穴不枯不溢下蔭萬家其深無底俗謂之海眼

耀碑潭縣東二里大溪西父老相傳官清則碑現

宋陳著詩激風象水自成碑清月磨潭不受疵萬里此通歸去路扁舟堪載送行詩

七星井

師古井縣東百步舊井深不浸膝廣不盈步源泉不竭汲不待綆飲有甘味流可灌田汪氏又鑿園北為新井構亭其間謂之師古

亭有劉文安侍郎宋琰二記忠義裘村亦有師古井宋求思敏開

大井縣東八十步惠民藥局內泉冽味甘大旱不竭

鑿井一在縣東十五里大銀山麓雨後泉湧久旱不涸一在道陳嶺下亦名聖井潭

泉井縣東四十里乾隆志作三十里白杜村大旱不竭

觀音井縣南十里觀音寺內

玉沙井縣南四十里

宮商井縣南五十里鮎埼星月街之北泉甚甘冽投之以石聲叶

宮商

國朝孫事倫詩星月街旁井舊以宮商名圖經沿俗說謂因投石鳴投石千百載兩井遂俱盈我讀地員篇物理闡齊卿三切宮音出四切商音生音皆以呼應非為瓦礫呈滄桑自變易陵谷互廢興昔時黃白水今鮮一勺清事勢不足怪古義嗟未明

有龍湫曰

奉化縣志 卷五 山川下 三

靈濟泉縣西南一里舊名包家潭俗傳昔有牧童澣衣於潭得巨鰻歸鬻為九段良久失其所在往視泉所鰻成九節邑人靈之宋元豐中縣令向宗諤開浚旱澇不盈涸歲旱致禱得九節鰻雨立沛宣和中令周因構亭其旁立碑以記其異其流溉田左右二三里無旱患六月初十日官致祭

隱潭縣西北六十里潭在兩崖間瀑泉如練循崖而下水寒石潔聳人毛骨遇旱禱於潭有小蛇出沒旋應如響宋皇祐間嘗遣中使杜說投金龍玉簡於潭以祈靈貺記定六月十六日官致祭

宋陳著詩何神擎破隴頭巖盡束溪流下碧潭潭底有龍能變化好將霖雨活東南明鄔鳴雷詩崔嵬峭壁絕躋攀碧水澄泓龍窟間神物豈能忘勝地暫時行雨向人間邑令胡夢泰詩潭中何所隱有龍能致雨帝命佐司農鱗甲皆禾黍釋傳慧詩一坐松關意轉間隱潭千尺瀉潺湲妙高臺上雲如墨共指蒼龍帶雨還

鎮亭龍潭縣西南八十五里石井村外巖石崎嶇其水陡然直下

石壁二十餘仞飛瀑噴赴潭如金釜案康乾志潭如石釜謂之石

湮志誤合深不可測水由潭外溢流通縣溪兩山夾峙中虛僅數

十武潭右有天師洞左有龍窩石上有龍出入跡案其山多具龍

水清如鏡罅中有小隙容指不知其深曰龍眼睛潭旁巖石皆有

龍爪印曰龍爪巖有巨巖中裂二尺許投以石轟然有聲曰龍耳

巖巖左旁有小石徑三尺峭蛻偏立搖之能動而不可拔曰龍舌

宋嘉定間封顯濟龍王六月十

八日官致祭

金鐘壑潭縣北十里長汀六月二十日官致祭

同山峯頂潭縣西北十五里唐趙純夫祈雨立應建有龍祠

鯉湖塘鯉湖山頂旱不涸雨不溢相傳赤鯉化龍禱雨必應

柏香巖觀音井縣東南十五里福泉山前崇崖壁立徑絕人行潭

旁如井闊不盈丈康熙己未邑令蔡毓秀祈雨有應立碑置田歲

奉化縣志 卷五 山川下 齒

以七月十四日設供光緒壬辰邑令何文耀禱雨亦應

蔡毓秀柏香巖靈雨記奉邑土瘠隸禹貢揚州九等無物產珍

錯無貴賈操奇贏行四方濱海魚蛤又禁戒不取所藉供賦稅

衣食婦子惟禾稼是望冬春戒種舉趾五月新穀無他祈也鄉

有入東北江界三鄉朝夕上下灌漑可滋餘則傍山倚海堆石

堰水枯槩莫施兩旬日不降篝車失望耳歲在己未為

上御宇之十八年余治奉三載幸境無伏莽兩歲豐登人民樂育

迺今六月旬雨後暨秋七夕屯膏三禾盡槁萬姓旁皇不敢

甯處牒神步禱越十有三日乙巳進邑之父老曰及今不雨弗

獲有秋矣古者救災索鬼神境內神靈可為民請命者以告於

是庠士孫子懋簡進曰柏香巖龍四月四日雷電雨雹降法海

浮屠往請必應余曰往哉潔誠孔夙丙午味爽帥士民先造法

海問道登山其鄉老皆言柏香巖樵採無路人跡不到公非習

陰平鳥道者宜望拜山麓遣吏齋牒上請往時令君皆然也余

曰否否為朝廷司百里水旱之災責莫可委不躬不親欲以

格九淵神龍將誰欺乎爰是攝衣躡履杖策而前時琨兒從掖

余以行紳士僧俗踵者數十人初行剪荆棘斬叢莽幾二里許

小憩巖下復行則壘石欹側赤日上曛冽泉下溜再憩石邊人

皆赤面流汗氣息喘有土人效五丁開道者反而搖手曰重

崖壁立非人所經似近實遠殆不可上余弗阻奮身前行舉膝

齊頸攀藤附木或挽或推至柏香巖不復人間下視眾山俯於

地矣潭不盈丈兩懸巨嶂中劈石罅注水纔涓滴湫溢下流則

滌洞十餘里水深無幾蓄片巖石鱗魚數枚蹲踞不動殊無靈

異也率眾拜謁投詞於潭梵咒並宣祝曰吾艱辛至此為民祈請龍有神功致雨生我一方民凡梨園樂部例奉神者一無靳言未已向之下伏者浮爪碧波舉而出水若蠕蠕然眾訝其靈擁之而下日正午矣法海自牧上人迎余曰自來令君未有躬至巖下者公貴胄平生乘堅策肥而勞動若此龍之昭昭應如響耳時萬里晴霄當空烈日須臾回視巖巔一綫煙光倏忽遍山甘霖如注有眾急迎以行隨車之雨已週阡陌及城郭矣噫嘻龍果能為雨耶能為雨則前此滌滌山川自夏徂秋不灑瓶中一滴耶如不能而今膚寸而合出諸巖際者即鞭夷陵陰石曷能捷應呼吸耶眾咸推功於余余不敢居仍歸柏香柏香奇峭長與赤雲白雲鼓動布澤其粒我民而裕正供於億萬年匪今斯今也邑中諸公撰歌詩誌異因鑄之石以貽山靈

龍潭縣東南十里奉化山西即白龍潭宋令

和開今攷歷志職官表列郊修輔記云潭方闊十餘丈巨樾下一穴相傳有神物宅焉自潭導渠分為數派灌田八千九百二十

二畝今龍徙於南山之頂名回風洞

鱣應潭縣東北十五里名山之陰有祠鱣舊志作鱣非

涯濟潭梅山潭嶠潭寶慶志作嶠潭阮家山潭俱縣南三十里

奉化縣志 卷五 山川下 五

幽蘭潭縣東南十五里

夏湖潭縣南五里西山下大旱泉湧溉田甚多

鰲魚潭鰲音役今俗呼為翼縣西南四十里蓬島後萊山谷間南與石樓山

鳥潭相望東為東山玉沙井北直安巖山白巖窩皆旱暵零禱之所潭深廣二丈餘其流溉松林金溪二鄉田出富壩港與鎮亭合

而入江宋祥符間有漁人釣於潭得魚五色斑斕有二翼駭之急棄於潭歸語鄉人翼日有紅光燭天會歲大旱鄉人禱於潭有小

鰻如線躍立巖壁間取而歸未出山雨大至歲則大熟於是相率

建祠自是禱者駢集瀉熙間又旱禱之忽有大蛇紅質黑斑兩目

如金光爍爍蜿蜒巖壑間頃之莫知所在是歲赤地千里而是鄉

得下熟

感聖潭縣西南三十里山澗斗絕有平巖當其前可容百人零禱

者望而拜之

泉井縣北二十里同山北麓山半有潭禱者投詞井中至潭所禮之多著感應

常浦龍潭在方橋外或云穴於馬姓屋下嘗出橫江截潮歲旱禱之輒應有祠

龍光潭縣東三十里

五雲巖龍潭縣南三十五里康熙六十年大旱泉源湧沸溉田甚多乾隆十六年亦然

巖下潭縣東三十里

馬嶺潭縣東五十里

大龍潭小龍潭俱縣東六十里

雨施龍潭縣南四十五里

奉化縣志

卷五

山川下

六

大洞山潭縣南六十里

濁水潭縣西南菱湖山水如米漬出潭則清

聖潭縣西南七十里石門又名川山洞禱雨必應

周濟潭縣西五十里馬龍坑禱雨必應

石門洞潭縣西南六十里

宋樓鑰詩扁舟百里連城回青山中斷立兩崖清都虎豹隱不見但見閣闔排雲開峯回失喜大飛瀑聲震萬壑驚春雷掀髯目極九霄外玉虹千丈飛空來一冬青女斲天雪不知聚此山之隈傳聞神龍臥其上寶藏擊碎真瓊瑰胸中先自無塵埃到此更覺心崔嵬天風為我嘔空翠春水寫入騷人懷謫仙曾來寫勝句劉郎又為開天台我慙筆無挽牛力醉墨滿壁誰為裁或言龍湫更奇絕雁山高處深雲埋我方攜筇往尋訪未知此何如哉

金井洞潭縣西七十里巖坑之麓

西洩潭縣西五十里斑溪其潭如井

沙潭縣西六十里馬村

沈坑潭縣西七十里今名西遊近上蹕駐  
設僧潭縣西六十里亦曰設僧洞近董村  
有津渡曰

將軍廟前渡忠義東將軍廟前海潮相隔輿濟爲難乾隆間陳于  
庭設義渡割田爲歲修計道光間陳海嶠復同姪書壽出資造貼  
水橋行人便之

牆下潭渡雍正三年象山令馬受曾詳奉督撫二憲始令爵溪漁  
船濟渡每船僱舵工一水手四風雨兩蓬完備由此渡海達象之

西周淡港黃溪案淡港黃溪二渡在象  
岸康熙志收之非是場頭陳山五渡

湖頭渡縣東一百里舊名田下渡海面一十里南象山界北奉化  
界明時官設渡夫六名 國朝官設渡夫五名工食皆領於縣  
袁村渡縣東南五十里十七都

奉化縣志 卷五 山川下 七

回浦渡縣南五十里同治間里人繆成漢倡設復同王大海募置  
田數十畝以完其事

上山渡縣西南四十五里雍正十二年里人置田二十畝爲秋冬  
置橋春夏用舟之費邑人唐禪有記

宦江渡縣北東四十里卽後顧渡

施家渡縣北東四十里卽下王渡北界鄞同治四年設義舟

北渡縣北東五十里界於鄞境宋慶元間邑人汪伋造巨舟廩給  
渡頭二家充篙師元至元十五年官始造船濟渡 國朝官設渡

夫三名同治十一年胡宗旭助田十畝八分九釐渡船一隻

唐許渾曉發鄞江北渡寄崔韓二先輩詩南北信多歧人生半  
別離地窮山盡處江汎水空時露曉蒹葭重霜晴橋柳垂無勞  
促回棹下  
里有心期

包山渡縣東北三十里東界鄞

武陵渡縣東北三十四都明洪武五年橋圯置渡 國朝光緒二  
年鄔孝祥助之貲

有向為渡而或改或廢者曰

石盆渡縣東七十里自鄞至象渡海處今廢

東宿渡縣東八十里今廢

馬頭渡今廢

南渡縣北東二十里舊以舟濟後易以橋

宋張良臣南渡曉行詩七點五點星斗落一聲兩  
聲鐘磬清路人小橋和夢過豆花深處草蟲鳴  
明張時徹詩路出青山峽雲移碧水槎新蒲沒洲渚斜日到  
村家林暝鳥翻樹潮來月滿沙緣知邛壑內偏自有煙霞

奉化縣志

卷五

山川下